



**Komandant snaga Evropske unije u BiH boravio u oproštajnoj posjeti kod
parlamentarnog vojnog povjerenika BiH (8.1.2021)**

Parlamentarni vojni povjerenik BiH primio je 8. 1. 2021. u oproštajnu posjetu dosadašnjeg komandanta Snaga Evropske unije (EUFOR) u BiH generalmajora Reinharda Trischaka. Naglašavajući izvrsnu saradnju Ureda parlamentarnog vojnog povjerenika BiH s EUFOR-om, vojni povjerenik zahvalio je generalu Trischaku na učinjenom izvanrednom trudu kako bi ta saradnja bila na najvišem nivou.

General Trischak napomenuo je kako izuzetno cijeni rad vojnog povjerenika, a posebno saradnju s Generalnim inspektoratom Ministarstva odbrane BiH. Kao posebnu vrijednost general je istakao terenske posjete jedinicama i lokacijama Oružanim snagama BiH koje vojni povjerenik provodi, te mogućnost profesionalnih vojnih lica da se direktno obrate vojnom povjereniku.